

## Evening Dogri (NSD) News

21-March.- 2026

### खास खबरां

1. प्रधानमंत्री नरेन्द्र मोदी होरें ईरान दे राष्ट्रपति डाक्टर मसूद पेज़ेशकियां होरें गी ईद ते नवरोज दी मुबारकबाद दिती।
2. पच्छिम एशिया च टकराव छड़ा भारत आस्तै गै नई सगुआं पूरी दुनिया आस्तै चिंता दा विशे ऐ- आखेया केन्द्री मंत्री राजसनाथ सिंह होरें।
3. अमरीका दे राष्ट्रपति डोनाल्ड ट्रम्प होरें ईरान खिलाफ सैन्य कारवाई गी बंद करने दा दिता ईशारा।
4. उपराष्ट्रपति सी.पी. राधाकृष्णन होरें छात्रें गी अपील कीती जे ओ आधुनिक जीवन-शैली अपनादे होई अपने देश दी गूढी ते बिरली सांस्कृतिक धरोहर गी नेही पुल्लन।
5. सरकार नै राज्यें गी कमर्शियल एल.पी.जी. दी दुई बारी 20 फिसदी बंड देने गी मंजूरी दिती।

<><><><><><>

### PM –Iran Prez

प्रधानमंत्री नरेन्द्र मोदी होरें ईरान दे राष्ट्रपति डाक्टर मसूद पेज़ेशकियां हुंदे नै गल्लबात कीती ते ईद- नवरोज दी मुबारकहबाद दिती। दवे नेताएं उम्मीद जाहिर कीती जे ए त्योहार पच्छिम एशिया च शांति- स्थिरता ते खुशहाली लाए। इक सोशल मीडिया पोस्ट च प्रधानमंत्री मोदी होरें क्षेत्र च महत्वपूर्ण ढांचे पर हमले दी निंदा कीती- जेदे कन्नै क्षेत्रीय स्थिरता गी खतरा ते वैश्विक आपूर्ति ढांचे गी नुक्सान होआ। मोदी होरें ईरान च भारतीयों दी सुरक्षा आस्तै ईरान दे लगातार सहयोग दी सराहना कीती।

<><><><><><>

### Eid National

ईद-उल-फितर दा त्योहार पूरे मुल्खा च बड़ी धूमधाम ते उत्साह कन्नै मनाया गेआ। दिल्ली च ईद दे मौके उप्पर बड़ा किट्टु जामा मस्जिद- फतेहपुर मस्जिद ते शाही ईदगाह च होआ ते उत्थे सुरक्षा दे पुख्ता इंतजाम कीते गेदे हे। राष्ट्रपति द्रौपदी मुरमू होरें आखेआ जे एह त्योहार आत्मसंयम- दान ते करुणा दा प्रतीक ऐ। उपराष्ट्रपति सी.पी. राधाकृष्णन होरें ते प्रधानमंत्री नरेन्द्र मोदी होरें बी देशवासियों गी ईद दी मुबारकबाद दिती ते सारें दी सेहत-खुशहाली ते समृद्धि दी कामना कीती।

## Eid -Kashmir

कश्मीर च ईद दे मौके उपपर सारें कोला बड्डा कट्टु श्रीनगर दी हज़रतबल दरगाह च होआ ते कश्मीर दे बाकी जिलें च बी ईद शांति कन्नै मनाया गेई। उपराज्यपाल मनोज सिन्हा ते मुख्मन्त्री उमर अब्दुल्ला होरें शांति- समृद्धि ते सौहार्द दी कामना करदे होई सारें गी ईद दी शुभकामनां दितियां।

<><><><><><>

## VP Greetings

उपराश्ट्रपति सी.पी. राधाकृष्णन- प्रधानमंत्री नरेन्द्र मोदी ते गृहमंत्री अमित शाह होरें लोकें गी पारसी नमें बरे नवरोज दी शुभकामनां दितियां ना। इक सोशल मीडिया पोस्ट च उपराश्ट्रपति होरें कामना कीती ऐ जे ए त्योहार सारें आस्तै खुशहाली- अच्छी सेहत ते खुशियां लेइयै आए। उनें सारें दी तंदरुस्ती ते मनोकामनां पूरी होने दी प्रार्थना बी कीती।

<><><><><><>

## Rajnath Singh

केन्द्री रक्षामन्त्री राजनाथ सिंह होरें आखेआ ऐ जे पूरी दुनिया इसलै संकट दे दौर थमां लंगा रदी ऐ- कीजे केंइयें थाहरें जंग आहलें हालात बने दे ना। उनें आखेआ इसलै पच्छिम एशिया पर होआ रदे हमलें छड्डा भारत लेई गै चिंता दा कारण नेंई सगुआं पूरी दुनिया इनें गी लेइयै चिंता च ऐ। पच्छिम एशिया च ऊर्जा ते खाद्य संकट दी शँका बारे उनें आखेआ- प्रधानमंत्री नरेन्द्र मोदी हुंदी अगुआई तैहत मुल्खै च इस चाल्ली दे संकटें दा कोई खदशा नेंई ऐ। श्री राजनाथ सिंह- उत्तराखंड च राज्य सरकार दे 4 बरे सबूरे होने पर हलदवानी च आयोजित इक प्रोग्राम गी सम्बोधित करा रदे हे। श्री सिंह होरें आखेआ जे भारत नै इस मुद्दे पर अपना रौंह भ्रलेयां साफ रक्खे दा ऐ ते गल्लै कत्थे दे ज़रिये ते कूटनीति राहें हल कड्डेया जाना लोडचदा ऐ।

<><><><><><>

## Vaishno Devi

कटरा च यात्रुएं दी बड़ी भारी भीड़ गी ध्यानै च रखदे होई श्री माता वैष्णो देवी जी दी पवित्र गुफा दे दर्शनं लेई यात्रा दा पंजीकरण आरजी तौरा पर कल बडुलै तक्कर रोकी दिता गेआ ऐ। यात्रुएं दी इन्नी भारी तादाद हफ्तें दे अखीरै आलियें छुट्टियें ते चेत्र नरातें करी आई ऐ। अधिकारियें दस्सेया जे यात्रा गी बाकायदगी कन्नै तोड़ चाढने ते श्रद्धालुएं दी सुरक्षा ते सैहल आओ-जाई यकीनी करने लेई एह फैसला लैता गया ऐ। आधार शिविर कटरा च अजें बी ज्हारां बद्धे श्रद्धालू किट्टे होए दे न ते केंइयें थाहरें भीड़ बड़ी मती होई गेदी ऐ। प्रशासन नै श्रद्धालुएं गी सहयोग करने दी अपील कीती ऐ ते आखेआ जे ओ अपनी यात्रा दी योजना सोची-बचारियै बनान। उ'नें आखेआ जिसलै बी स्थिति सामान्य हुंदी ऐ उसलै गै पंजीकरण फही शुरु करी दिता जाग। यात्रुएं दी भारी भीड़ दे प्रबंधन लेई ते उन्दी सुविधा ते सुरक्षा लेई मुनासब इंतजाम कीते गेदे न।



## US Winding OP

अमरीका दे राष्ट्रपति डोनाल्ड ट्रम्प ने आखेआ ऐ जे ओ ईरान खिलाफ सैन्य कारवाई गी बंद करने दा सोचा'रदे न। दूथ सोशल पर इक पोस्ट च ट्रम्प नै आखेआ जे ओ अपनी सैन्य कारवाई दे धेइयें गी पूरा करने दे बडे कोल पुज्जा रदे न ते तांगै मध्यपूर्व च ओ सैन्य गतिविधियें गी बंद करने बारे सोचा रदे न। ए पोस्ट पक्के तौर पर जाहिर करदी ऐ जे ओ 28 फरवरी गी शुरु होई दी जंग गी जल्द गै खत्म करी सकदे न। ट्रम्प दे ए ब्यान ईरान बक्खियां अमरीका ते इजरायल उप्पर मजबूत जवाबी कारवाई दे बश्कार आया ऐ। इस हफ्ते इजरायल तरफा ईरान च इक मुख गैस क्षेत्र पर हमले मगरा- ईरान नै दुनिया दे सब्बनें शा बड्डे LNG प्लांट- जेड़ा गै कतर च ऐ- उस्सी अपना निशाना बनाया। इस हमले कन्नै ऊर्जा साधनें दे भाऽ बदी गए- गैस- तेल सब महंगा होई गया। इस्से करी डोनाल्ड ट्रम्प ने रुख बदलने दी गल्ल आखी। पैहले ट्रम्प ने वीरवारें आक्खेआ हा जे इजरायल ईरान दे गैस भंडारें पर हमला नेंई करोग। इजरायली प्रधानमंत्री- बेन्जामिन नेतन्याहू ने आखेआ जे इजरायल गैस क्षेत्रें गी निशाना बनाना बंद करोग- जेदे पर ईरान दे लोक निर्भर करदे न। अमरीका नै 30 दिनें आस्तै ईरान दे तेल दी बिक्री दी बी घोषणा कीती ऐ जेड़ा समुन्द्र च फसे दा ऐ। अमरीका दे खजाना सचिव स्कॉट बेसैन्ट नै आखेआ ऐ जे इस फैसले दा मकसद वैश्विक बजारें च तौले गै स्थिरता आनना ऐ ते तेल दी आपूर्ति गी शुरु करना ऐ। बेसैन्ट नै अगगे आखेआ ऐ जे ट्रम्प प्रशासन 440 मिलियन बाद्दू तेल दे बैरल वैश्विक बजारें च उपलब्ध करोआने सरबन्धी कम्म करा रदा ऐ।



## IT Rules

सरकार ने आयकर नियम-2026 अधिसूचित करी दिते न। ए कनून पहली अप्रैल थमां लागू होगंन। इन कनूनें दा लक्ष्य अनुपालन गी बदाना- कनूनें दी गिनतरी गी घट्ट करना ते प्रक्रियाएं गी सखल्ला बनाना ऐ। खजाना मंत्रालय दा आक्खना कनून आयकर अधिनियम 2025 दे प्रावधानें गी लागू करिए- पुरानी प्रक्रिया सरबंधी प्रणालियें गी प्रतिस्थगित करदे न ते पुरानी परिभाषाएं- अनुपालन संरचना ते नमें ढांचे गी शामिल करदे न।



## VP Peace

उपराश्ट्रपति सी.पी. राधाकृष्णन होरें आखेआ जे युद्ध च शांति दा हल्ल छडा गल्लबात राएं गै होई सकदा ऐ। उंनें एह गल्ल महाराश्ट्र दे नागपुर च महार्षि व्यास सभागार च भारतीय युवा संसद दे 29में राश्ट्रीय सत्र दी सभा गी सम्बोधित करदे होई आखी। उंनें आखेआ जे तुंदी अपनी मातृभाषा छडी खेत्री भाषा नेंई सगुआं मौलिक भाशा ऐ। चंऊ दिनें दी इस युवा संसद दा विशे ऐ- भारतीय भाशा ते विकसित भारत-2047. उंनें आखेआ जे युवा संसद असेंगी राश्ट्र बैहस करना सखांदी ऐ। बक्ख-बक्ख दृष्टिकोण ते गल्लबात दे राएं मसलें हल कडुना सखांदी ऐ।



## Forest Day

अंतराश्ट्री जंगलात ध्याडे दे मौके केन्द्री पर्यावरण जंगलात ते जलवायु मंत्री भूपेन्द्र यादव होरें देशवासियें गी अपील कीती ऐ जे ओ जंगलें गी बचाने दी सौगंध लैन- तां जे जंगलें पर निर्भर जीव गी बचाया जाई सकै। इक सोशल मीडिया पोस्ट च मंत्री होरें आखेआ जे जंगल छडे खत्म करने आले संसाधन नेंई ऐन- सगुआं ए अपने आप च गै जीवन न- जिनेंगी बचाना ते संभालना लोडचदा ऐ। संयुक्त राश्ट्र महासभा नै 21 मार्च गी अंतराश्ट्री जंगलात ध्याडे दे रूप च मनाने दी घोषणा 2012 च कीती ही



## Fertilizer

सरकार नै भरोसा दोआया ऐ जे पूरे देश च खाद दी आपूर्ति गी आयात च बाह्य करियै पक्का किता गया ऐ। रसायन ते खाद मंत्रालय नै जानकारी दिती ऐ जे पिच्छले बरे दे मुकाबले इस बरे आयात च खरा-मता बाह्य किता गया ऐ। एदा मकसद घरेलू उत्पादन ते बददी मंग दे बश्कार तालमेल बनाईए रखना ऐ।



## South Korea

दक्खन कोरिया ने आखेआ जे ओ Strait of Hormuz थमां तेल सुरक्षित भेजने बारे कोशिशें कन्नै जुड़ने आस्तै त्यार ऐ- जेड़ा गे वैश्विक गैस ते तेल दी आपूर्ति च 20 फिसदी योगदान करदा ऐ। दक्खन कोरिया दे विदेश मंत्रालय नै दस्सेआ ऐ जे ओ यूरोपीय देशें ते जापान सनें 7 देशें कन्नै रलग जिनें अपने संयुक्त ब्यान च ईरान दे खाड़ी देशें पर हमलें ते Strait of Hormuz दे बंद करने दी निंदा किती ही। ब्रिटेन- फ्रांस- जर्मनी- इटली- जापान- नीदरलैंड ते कनाडा तरफा जारी इक संयुक्त ब्यान च ईरान गी हमलें बंद करने ते रणनीतिक जलमार्ग बंद करने दी कोशिशें गी बंद करने आस्तै आखेआ ऐ।



## ECI Supreme Court

भारती चुनाव आयोग नै पश्चिम बंगाल च 19 अपीली न्यायाधिकरणें दा गठन किता तां जे मतदाता सूचियें च नां शामिल करने जां हटाने बारे अपीलें दी सुनवाई होए। राज्य च SIR प्रक्रिया दे हिस्से दे तौर पर ए पैहल किती गई। भारती चुनाव आयोग नै आखेआ ऐ जे ए फैसला 10 मार्च 2026 दे सुप्रीम कोर्ट दे आदेश ते कोलकाता हाई कोर्ट दे मुख न्यायधीश हुंदी सिफारिशें दे महेनजटर लैता गेआ। 19 ट्रीब्यूनलें शा इक दी अध्यक्षता साबका मुख न्यायधीश टी.एस. सिवागनानम होर करगंन ते बाकियें दी अध्यक्षता हाई कोर्ट दे साबका न्यायधीशें तरफा किती जाग- जिंदे च प्रदीप्ता ते तपेन सेन शामिल न। आयोग नै आखेआ ऐ जे इनें न्यायाधीकरणें च उन अपीलें दी सुनवाई हर जिले च होग- जेडियां न्याय-अधिकारियें तरफा जारी आदेश दे खिलाफ कीतियां गेदियां न- जिंदा ताल्लुक मतदाता सूचियें च गड़बड़ी कन्नै ऐ जियां दक्खन-24 पारगनास-पूरबा- मेदिनीपुर- कूचबेहाड़ ते हावड़ा।



## Congress List

असम च होने आले विधान सभा चुनावं दे मद्देनजर कांग्रेस ने 7 उम्मीदवारों दी सूची जारी कीती ऐ। पार्टी नै जालूकबारी थमां बिदिशा निओग-बिश्वनाथ थमां जंयता बोराह ते हायलाकांडी थमां राहुल रोय गी चुनाव मैदान च तोआरेया ऐ। इनें नाएं दा चुनाव कांग्रेस दी केन्द्री चुनाव कमेटी ने किता ऐ। कांग्रेस नै अपने गठबंधन दल रालजोर दल आस्तै बी 11 सीटां छोड़ी दियां न। 126 विधानसभा सदस्यें गी चुनने आस्तै वोट 4 मई गी पाए जागंन।



## EAM

विदेशी मामले सरबंधत मंत्रालय दी तय जांच इकाई ने दावें दा खंडन किता ऐ जे अमरीका ने भारत गी आखेआ ऐ जे ओ ईरान पर पश्चिमी भारत थमां बम्बारी आस्तै सैन्य कारवाई गी सहयोग दे। लोकें गी गुजारिश कीती गेई ऐ जे ओ गलत ते निराधार दावे ते सोशल मीडाय पर पोस्ट दे प्रति सतर्क रौहन।



## EID

अज्ज पूरे देशच ईद-उल-फितर पूरे ज़ज्बे ते जोश कन्नै मनाया जा रदा ऐ। ए त्योहार इक महीने दे रमज़ान दे खत्म होने पर मनाया जंदा ऐ। राष्ट्रपति द्रौपदी मुरमू- उपराष्ट्रपति सी.पी. राधाकृष्णन ते प्रधानमंत्री नरेन्द्र मोदी होरें देशवासियें गी ईद दे मौके मुबारकबाद दिती ऐ।

